



PROGRAMA MENIÑEIRO - NADAL 2023/2024

O departamento de Servizos Sociais do Concello de Cabana de Bergantiños organiza o Programa Meniñeiro co obxectivo de fomentar a corresponsabilidade entre mulleres e homes a través da conciliación dos seus tempos persoais, laborais e familiares mediante a realización de actividades educativas e lúdicas, dirixidas ás/ós nenas/os, durante os períodos vacacionais.

1. DESTINATARIAS/OS

Menores escolarizadas/os en educación infantil e primaria que estén empadroadas/os no Concello de Cabana de Bergantiños.

De quedar prazas vacantes, terán preferencia na adxudicación das mesmas pola seguinte orde:

1º.- As/os menores que disfruten das vacacións escolares con familiares empadroados no concello de Cabana de Bergantiños e así o acrediten.

2º.- As/os fillas/os de persoas que estando empadroadas noutro concello, teñan os seus postos de traballo no termo municipal do concello de Cabana de Bergantiños e así o acrediten.

3º.- As/os menores doutros concellos non comprendidos nos apartados anteriores, atendendo a orde de inscrición.

2. TEMPORALIZACIÓN E LUGAR DE CELEBRACIÓN

Quendas:

- 1ª quenda: do 26 ó 29 de decembro (4 días)
- 2ª quenda: do 2 ó 4 de xaneiro (3 días)

Horario: de luns a venres de 10:00 a 14:00 horas.

Lugar: Casa da Cultura.

3. INSCRICIÓNS E DOCUMENTACIÓN

O prazo para presentar as solicitudes será dende o 27 ó 30 de novembro na sede electrónica preferentemente ou presencialmente na Casa do Concello.

No caso da presentación presencial e coa finalidade de evitar esperas será conveniente achegar o impreso de solicitude cuberto e asinado xunto co DNI da/o nai/pai ou titor/a da/o menor.

A comprobación do empadroamento no concello de Cabana de Bergantiños farase de oficio polos servizos municipais.

De ser o caso, é preciso acreditar o lugar de traballo no termo municipal do concello de Cabana de Bergantiños.

Os impresos estarán dispoñibles na páxina web do Concello (www.concello-cabana.es) e no departamento de Servizos Sociais.

A admisión das/os menores no programa farase, cumpridos os requisitos de idade e preferencia, por riguroso orde de entrada no Rexistro Xeral do Concello de Cabana de Bergantiños ata cubrir as prazas disponibles.

Elaborarase unha lista de admitidas/os e de agarda que estará á disposición das/os interesadas/os para a súa consulta no departamento de servizos sociais (educadora familiar) o día 12 de decembro de 2023 e, a partir desa data, contactarase telefónicamente coas persoas admitidas para confirmar a praza. No caso de renuncia, o listado irá correndo segundo orde numérica.

A concesión da praza implica a asistencia a actividade polo que as faltas non xustificadas e reiteradas significarán a perda da mesma.

A actividade só se realizará de cubrirse o 50% das prazas ofrecidas para cada quenda.

4. NORMAS DE FUNCIONAMENTO E OBSERVACIÓNS

Deberase comunicar á persoa responsable do programa os cambios que poidan figurar nos datos da súa ficha de inscrición.

Prégase puntualidade na entrega e recollida das/os menores.

As/os participantes deben acudir as actividades con roupa cómoda e calzado, preferentemente, deportivo.

As/os nenas/os deben levar tódolos días unha mochila, marcada co seu nome, cunha botella de auga, un paquete de panos de papel e unha pequena merenda para tomar a media mañá.

Non están permitidos os aparellos electrónicos, videoxogos, móbiles...

As/os nais/pais ou titoras/es deben ter o teléfono operativo durante o horario do programa Meniñeiro (de 10 a 14 horas).

As/os menores non acudirán as actividades no caso de ter febre, diarrea, vómitos ou enfermidades ou procesos infectocontaxiosos.

As baixas no programa deben ser comunicadas á educadora familiar.

A formalización da inscrición implica a aceptación explícita das normas que rexen esta actividade e os cambios que poidan xurdir por razóns técnicas ou organizativas debidamente xustificadas.

Cabana de Bergantiños

O alcalde, José Muíño Domínguez

Documento asinado dixitalmente